



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 4. De loco, & situ corporis legendis Horis connueniente.

[urn:nbn:de:hbz:466:1-47105](#)

Erat D. Benedicto magna religiosorum viro-
rum Parenti (quod in numeroſa prole plerumque
fieri ſolet) Monachus, & filius vnuſ aliquis, iſque
non admodum propenſus in ſtudia pietatis, Dēmo-
nem ille à ſacris officijs æquo citius auocantem au-
diebat; à ſuis fratribus abibat; diſcedebat è choro,
nec precum communium finem expectare poſſe
videbatur. Hunc ſæpius non ſine ſtomacho nota-
rant religioſi, notarat, ac damnarat S. Pater Benedi-
ctus, imo pro ea, qua erat in diſcernendis ſpiritibus
vi, ac perſpicacia, Dæmonem viderat, qui cum Mo-
nachum extrahebat è choro, quem ne abduceret in
poſterum flagello malè excepit vir sanctus, fugauit,
& ad Stygios carceres redire coegit.

Optarem in omnibus Ecclesijs eſſe Benedicto
parem aliquem: ſi in ijs aut illi Monacho ſimilis,
aut iſti Dæmoni malitia non inferior reperiatur.

§. 4.

*De loco & ſitu corporis legendis horis
conueniente.*

c. 3.
c. 6.

CVm id caſus aut neceſſitas tulerit, locus omnis
orationi eſt accommodus. Ita Ieremias in lu-
to, & è luto Deum ad ſe precabundus traxit. Daniel
in leonum lacu iratum Numen placauit. Tres pue-
ri in camino ignis, medijsque flamarum vorticis
bus cœleſtem in ſe indulgentiam experti; magni
profecto & feruidi oratores.

Iob

Iob in fôrdibus & sterquilinio Dei in se misericordiam prouocauit. Latro infam i ligno traba libus affixus clavis, & cœlo vim fecit, & Seruatoris sui aures, animumque oratione sua pulsauit & euicit.

Agnes tenellula virgo infandum lupanar suis precibus propè in oratorium vertit: ita locus omnis pijs mentibus orationi, & esse & videri potest aptissimus; adeò verum illud D. Basilius: ad orationem non locus, sed propositi initium requiritur.

Huiusc rei rationem si quæris, ea est in promptu: humanus animus utpote immortalis & expers corporeæ molis, à loco non pendet, nec in seipso, nec in sua actione: ubique suus est, ubique liber, ideoque ad orandum ubique expeditus; & hoc verissimum de ea oratione quæ mente concipitur, in ea hæret, nec foras erumpit. At illa quæ vocalis dicitur, locum omnino decentem & quietum amat, nisi necessitati parendum esse dixeris, non satisfaciendum voluntati.

His ita ex vero constitutis, de propositâ quæstione ita statuo: Horis Canonicis exfoluendis locum proprium esse aut chorum, aut cellam; hanc si priuata, illum si publica fuerit oratio.

Situs autem corporis is esse debet qui eum non dedebeat, qui se senserit cum Deo loqui: hinc aut flexis genibus, aut stans orabit; aut si valetudo non ferat, humiliter sedens; hæc enim corporis com-

438 SPECVLVM ECCLESIASTICORVM,
positio argumentum est reuerentis animi, & ad
diuina colloquia contremiscentis: contra vero aut
indecorè sedere, aut prouum iacere, aut immodestè
circumcursare, indicium est vagæ & dissolutæ men-
tis, parum ad sacra quæ decurrit officia attendentis:
quod & cœlum damnat, & ipsi quoque irident
Inferi. Argumento sit illud quod refert Petrus Da-
mianus. Prior, inquit, vñus aliquis, cui nomen
Ioannes, ab infirmâ debiliq[ue] valetudine plus æ-
quo sibi indulgens, saepius Completorium decur-
rebat mollius iacens in lectulo: ita quandoque vi-
ri etiam alias religiosi sibi nimium blandiuntur, &
cutem non probè curant. Euenit autem ut ei offer-
retur Dæmoniacus aliquis quem sacris Ecclesiæ ex-
orcismis sanare, & malo hospite liberare dum stu-
det, instatque vehementius, sic ei Dæmon: tu ne il-
le es qui sub cotto quotidie Completorium insu-
furas, modo me quasi sanctus ejcere, & iuris mei
vasculum de meo vis dominio liberare: per me,
per Inferos non facies, & vero etiam non fecit; sed
ad se, cellam que redijt multo suffusus rubore, & à
malo genio benè doctus. Quod si etiam apud In-
feros malè audijt orator ille, qui tamen à morbo,
debiliq[ue] corpusculo causam aliquam prætexere
potuit, quomodo bene audiet is qui cum vegetus sit
& valens, horas Canonicas recitat, aut indecorè cu-
bans, aut petulanter inambulans, parum memor

Damia. I.
de mir.

enitq[ue]

et illi

diuinæ

divinæ illius Maiestatis, sub cuius tamen est conspectu, & quam (vt ait S. Chrysologus) pauent Serm. 5.
*Angeli, Potestates metuunt, & in faciem proruunt
 cœli seniores : quos ut in terris imitere, author tibi
 sum, ut aut stans ores, aut (vt inquit Tertulianus)
 Deum tuum de geniculis adores ; sic adorauit Paulus,
 qui hoc de seipso : flecto genua mea ad Patrem. Ephes. 3.*

Sic D. Bartholomæus qui centies in die flectebat.

Sic D. Iacobus , qui *quod assiduè coram Deo fle-* Lib. 3.
cteret, callosam genium duritiem contraxerat, vt Heres. 78.
 testatur S. Epiphanius.

Sic D. Augustinus , qui primorum Christianorum *trita genua* appellabat, & de seipso ingenuè addebat illud: *quotidie ad Ecclesiam curro, genua* Tract. 3.
michi trita sunt in orationibus. Utinam & tibi trita in Ioan.
 sint (amice Lector) ex oratione, auitaque pietate.

§. 5.

Qui obligentur ad horas Canonicas ?

Communis Theologorum sententia habet, ad horas Canonicas obligari primum eos omnes qui sacris , ac maioribus ordinibus initiati sunt.

Tum etiam eos, qui beneficium Ecclesiasticum possident, vnde petatur bona pars honestæ sustentationis.

Tum denique religiosos omnes professos, & ad chorum destinatos. Et hæc communi Doctorum sensu tradi solent.

Cen-